



**ՆԱՅԱՍԱՆԻ ՆԱԵՐՊԵՏՈՒԹՅԱՆ ՍԱՆՄԱՆԱԴՐԱԿԱՆ ԴԱՏԱՐԱՆԻ ԹԻՎ 1 ԴԱՏԱԿԱՆ ԿԱԶՄԻ
Ո Ր Ո Շ ՈՒ Մ Ը**

ԱՆՆԱՏԱԿԱՆ ԴԻՄՈՒՄԻ ԸՆԴՈՒՆԵԼԻՈՒԹՅԱՆ ՆԱՐՅԻ ՎԵՐԱԲԵՐՅԱԼ

Քաղ. Երևան

30 հոկտեմբերի 2013թ.

Նայասարանի Նանրապետության սահմանադրական դատարանի
թիվ 1 դատական կազմը՝

Նախագահությամբ՝ Ա. Խաչատրյանի
Անդամակցությամբ՝ Ն. Նազարյանի
Վ. Նովհաննիսյանի

Ուսումնասիրելով քաղաքացի Ինգա Կյուրեղյանի դիմումով գործը
քննության ընդունելու մասին հարցը,

Պ Ա Ր Զ Ե Ց .

Նամաձայն ՆՏ Սահմանադրության 101-րդ հոդվածի 1-ին մասի 6-րդ կետի՝
քաղաքացի Ինգա Կյուրեղյանը դիմել է ՆՏ սահմանադրական դատարան եւ խնդրել.
«Պետական նպաստների մասին» ՆՏ օրենքի ընդհանուր մաս հանդիսացող 3-րդ հոդվածի
2-րդ մասը, հարուկ մաս հանդիսացող 23-րդ հոդվածի 2-րդ մասը ճանաչել ՆՏ Սահմա-
նադրությանը հակասող եւ անվավեր»:

1. Դիմողի կարծիքով՝ Կազմակերպության վերոնշյալ դրույթները հակասում են ՆՏ Սահ-
մանադրության 1-ին, 3-րդ, 6-րդ հոդվածներին, 48-րդ հոդվածի 6-րդ մասին, քանի որ՝
- վիճարկվող նորմերն իրենց մեջ պարունակում են իրավական անորոշություն,
դրանցից միանշանակ չի բխում, որ անաշխատունակության կամ երեխայի նպաստի ար-

ձակուրդում գրնվելու դեպքում որպես կորցրած եկամուտ պետք է դիտվի յուրաքանչյուր գործապուրից ստացված եկամուտները՝ առանձին-առանձին, որոնց դիմաց էլ պետք է ստացվի մասնակի փոխհատուցում՝ յուրաքանչյուր գործապուրի մասով առանձին-առանձին 18.000-ական ՆՏ դրամի չափով,

- խախտվում է պետության պարտականությունը՝ գործելու միջազգային իրավունքի սկզբունքներին եւ նորմերին համապատասխան /մասնավորապես՝ Երեխայի իրավունքների մասին կոնվենցիա/, առաջնորդվելու երեխայի լավագույն շահերով,

- իր հնարավորության շրջանակներում միջոցներ ձեռնարկել պաշտպանելու եւ հովանավորելու ընտանիքը, մայրությունը եւ մանկությունը:

2. Ելնելով դիմումի եւ կից փաստաթղթերի ուսումնասիրությունից՝ դատական կազմը գրնում է.

ա/ նախ՝ վիճարկելով վերոհիշյալ նորմերի սահմանադրականությունը՝ դիմողը չի ներկայացրել պարզաճ իրավական հիմնավորումներ դրանց հակասահմանադրականության վերաբերյալ: Մինչդեռ «Սահմանադրական դատարանի մասին» ՆՏ օրենքի 69-րդ հոդվածի 4-րդ մասը՝ որպես անհատական դիմումի ընդունելիության պարտադիր պայման, սահմանում է, որ դիմումը պետք է պարունակի Սահմանադրությանը հակասելու հիմնավորումներ: Այս համարեքստում ՆՏ սահմանադրական դատարանն իր ՍԴՈ-839 որոշման մեջ դիրքորոշում է արտահայտել առ այն, որ «Սահմանադրական դատարանի մասին» ՆՏ օրենքի 69-րդ հոդվածի 4-րդ մասն ամրագրում է վիճարկվող դրույթի՝ Սահմանադրությանը հակասելու հիմնավորումներ ներկայացնելու՝ դիմողին ներկայացվող պահանջը, համաձայն որի՝ վիճարկվող օրենքի դրույթի հակասահմանադրականությունը պետք է հիմնավորված լինի օրենքի 68-րդ հոդվածի 7-րդ մասում նշված որեւէ հարկանիշով: Դիմումի ուսումնասիրությունը վկայում է, որ առկա չէ օրենքի 68-րդ հոդվածի 7-րդ մասով պայմանավորված՝ խնդրո առարկա դրույթի ենթադրյալ հակասահմանադրականության որեւէ հիմնավորում:

Բացի դրանից, դիմողը նաեւ չի հիմնավորել, թե վիճարկվող նորմերի «հակասահմանադրականության» արդյունքում իր որ սահմանադրական իրավունքն է խախտվել, ինչպես նաեւ չի հիմնավորել իր սահմանադրական իրավունքների ենթադրյալ խախտման փաստի եւ վիճարկվող դրույթների հակասահմանադրականության միջեւ պարճառահետեւանքային կապի առկայությունը, ինչը, ըստ «Սահմանադրական դատարանի մասին» ՆՏ օրենքի 69-րդ հոդվածի 7-րդ մասի եւ սահմանադրական դատարանի՝ ՍԴՈ-839 որոշման մեջ արտահայտված իրավական դիրքորոշման՝ անհատական դիմումն ակնհայտ անհիմն համարելու հիմք է.

բ/ միաժամանակ խնդրո առարկա դրույթների սահմանադրականությունը վիճարկելով՝ դիմողն ընդամենը բարձրացնում է դրանց կիրառման իրավաչափության հարց՝ փորձելով այն ներկայացնել վերոհիշյալ նորմերի հակասահմանադրականության վիճարկմամբ: Այսինքն՝ դիմողը, ձեռականորեն վիճարկելով օրենքի դրույթների սահմանադրականությունը, ըստ էության բարձրացնում է այդ դրույթների կիրառման իրավաչափության հարց:

2009 թվականի մարտի 17-ի ՍԴԱՌ-21 որոշման մեջ սահմանադրական դատարանի արտահայտած իրավական դիրքորոշման համաձայն՝ բոլոր այն դեպքերում, երբ դիմողը, ձեռականորեն վիճարկելով օրենքի դրույթի սահմանադրականության հարց, ըստ էության բարձրացնում է այդ դրույթի կիրառման իրավաչափության հարց, սպա այդպիսի դիմումները ենթակա են մերժման՝ «Սահմանադրական դատարանի մասին» ՀՀ օրենքի 32-րդ հոդվածի 1-ին կետի հիմքով՝ որպես սահմանադրական դատարանի քննության ենթակա հարց չառաջադրող դիմումներ:

Ելնելով վերոշարադրյալից եւ ղեկավարվելով «Սահմանադրական դատարանի մասին» ՀՀ օրենքի 32-րդ հոդվածի 1-ին, 6-րդ կետերով և 69-րդ հոդվածի 7-րդ մասով՝ ՀՀ սահմանադրական դատարանի թիվ 1 դատական կազմը

Ո Ր Ո Շ Ե Ց .

Քաղաքացի Ինգա Կյուրեղյանի անհատական դիմումով գործի քննության ընդունումը մերժել:

Նախագահող՝

Անդամներ՝

30 հոկտեմբերի 2013 թվականի

ՍԴԴԿՈ/1-28